



**Sumáriu Atividade Asisténsia Legál ba Vítima Violénsia Bazeia ba Jéneru
Períodu Agostu 2021**

Introdusaun

Iha períodu fulan Agostu 2021, JSMP liuhusi Unidade Apoia Vítima kontinua fó assisténsia legál ba vítima feto no labarik iha Munisípiu sira mak hanesan Munisípiu, Dili, Ermera, Likisá, Maliana, Vikeke no re-introdús atividade asiténsia legál JSMP nian ba xefe Investigasaun no membru polísia VPU Munisípiu Aileu.

Atividade Asisténsia Legál

Iha períodu fulan Agostu 2021, JSMP kontinua fó assisténsia legál ba vítima violénsia bazeia ba jéneru ne'ebé hotu-hotu nu'udar vítima feto no labarik hamutuk kazu 26 (kazu krime 25 no kazu sivíl 1). Kazu balun polísia VPU halo kontaktu ho JSMP hodi fó assisténsia no kazu balun vitima sira rasik mak mai apresenta keixa iha JSMP. Vítima sira ne'e mai husi munisípiu 4 (haat) mak hanesan Munisípiu Bobonaro, Ermera, Vikeke, Likisá no Dili.

Kazu sira ne'ebé JSMP fó assisténsia legál ho tipu sira mak hanesan tuir mai :

Kazu krime :

- *ofensa ba integridade fízika simples ho natureza violénsia doméstika 17*
- *maus-tratus ba kónjuje 1*
- *ezibisionizmu seksuál 1*
- *tentativa violasaun seksuál 1*
- *tentativa omisídiu simples 1*
- *ofensa ba integridade fízika simples 1*

Kazu sivíl :

- *asaun kondenasaun ba danu moral*

Tabela 1 : Totál kazu ne'ebé JSMP fó assisténsia legál durante fulan Agostu 2021

Tipu kazu	Bobonaru	Dili	Ermera	Likisá	Vikeke	Totál
Vítima Violénsia	14	2	2	1	7	26

Bazeia ba Jéneru (VBJ)						
---------------------------------	--	--	--	--	--	--

Totál kazu vítima violénsia bazeia ba jéneru iha Agostu 2021






Tabela 2 : Tipu kazu ne'ebé JSMP fó assisténsia legál durante Agostu 2021

Tipu kazu	Númeru
Ofensa ba integridade fízika simples – VD	17
Maus-tratus ba menór	1
Ezibisionizmu seksuál	1
Tentativa violasaun seksuál	1
Violasaun seksuál	1
Ameasa	1
Abuzu seksuál ba ema ne'ebé labele reziste	1
Tentativa omisídiu simples	1
Ofensa ba integridade fízika simples	1
Asaun kondenasaun ba danu moral	1
Totál	26




Tuir mai tabela estatus kazu ka progresu kazu sira durante fulan Agostu :


Tipu kazu	Estatus kazu	Númeru
Ofensa ba integridade física simples – VD	FOKUPERS, PRADET, UMA MAHON PAZ, VPU	17
Maus-tratus ba menór	PRADET	1
Ezibisionizmu seksuál	PRADET	1
Tentativa violasaun seksuál	Uma Mahon Maria	1

Rua Beco Lakateu, Aldeia Manu fuik, Suku Kolmera, Administrativu Vera Cruz
Munisípiu Dili, Timor-Leste
P.O Box ; 275 . Tlp 3323883

Website: www.jsmp.tl no facebook: www.facebook.com/jsmp.timorleste

	Tapo	
Violasaun seksuál	PRADET	1
Ameasa	VPU	1
Abuzu seksuál ba ema ne'ebé labele reziste	PRADET	1
Tentativa omisídiu simples	OSPITÁL	1
Ofensa ba integridade física simples	PRADET	1
Asaun kondensasaun danu moral	VPU	1
Totál		26





Re-introdús JSMP nia serbisu assisténsia legál ba polísia investigasaun no polísia VPU Munisípiu Aileu

Alende hala’o assisténsia legál hanesan deskreve iha leten, JSMP liuhusi nia ekipa re-introdús JSMP nia serbisu assisténsia legál ba iha PNTL Munisípiu Aileu spesífiku ba iha Xefe Investigasaun Kriminál no VPU. Antes ne’e, iha tinan 2020, JSMP halo ona audénsia ho Adjuntu Komandante Polísia Munisípiu Aileu, Komandante Investigasaun Kriminál no membru VPU sira hodi esplika JSMP ninia programa assisténsia legál no durante ne’e iha koperasaun serbisu ne’ebé di’ak tebes entre JSMP no VPU Aileu.

Deklarasaun vítima sira nian hafoin hetan assisténsia legál husi JSMP

Iha JSMP ninia dada-lia ho vítima sira, vítima sira informa katak antes ne’e sira la hatene dalan oinsa atu prosesu sira ninia kazu, tanba alende la hatene kazu sira ninia prosesu, vítima sira mós hetan ameasa husi arguidu sira. Maibé depoisde hetan assisténsia legál husi JSMP, vítima sira sente katak sira iha korajen atu lori sira ninia kazu hodi prosesa tuir justisa formal.

Konkluzau

Durante períodu fulan Agostu 2021, JSMP konsege fó assisténsia legál ba vítima sira hamutuk kazu krime 25 no kazu sivíl 1. Kazu sira ne’e, kazu balun VPU mak kontaktu JSMP hodi fó assisténsia no kazu balun vítima apresenta keixa direta mai iha JSMP.

Husi totál kazu sira ne’e, kazu balun JSMP refere ba PRADET hodi halo ezaminasaun médiku, kazu balun refere ba Uma Mahon no kazu balun halo ona dilijénsia iha ministériu públiku.

Vítima no familia sira sente kontente ho assisténsia ne'ebé JSMP fornese ba sira nia kazu, nune'e vítima no família sira iha korajen atu kontinua lori sira nia kazu ba iha justisa formal.

Atu hetan informasaun kompletu, favór kontaktu:

Ana Paula Marçal

Diretóra Ezekutiva JSMP

Diresaun e-mail: ana@jsmp.tl

Telefone: 3323883 | 77040735

Website: <https://jsmp.tl/>

Rua Beco Lakateu, Aldeia Manu fuik, Suku Kolmera, Administrativu Vera Cruz

Munisípiu Dili, Timor-Leste

P.O Box ; 275 . Tlp 3323883

Website: www.jsmp.tl no facebook: www.facebook.com/jsmp.timorleste